

DE GLOBI TERRESTRIS

Thelbalana 76.15.39.50. Tinissa 73.30.41.0. Triphelis, à Ptolemaeo forte
Thalina 74.30.41.45.

De Syria atq; eius partibus, Phœnicæ, Caua Syria, Palestina
Iudæa, Arabia petrea, Mesopotamia, Arabia
deserta, ac Babyloniam.

C A P V T X V I .



Syria terminatur à Septentrione Armenijs: ab occasu Syriaco pe-
lago: à meridie Iudæa Palestina; ab ortu Arabia deserta, Mesopota-
mia ac flumine Eufrate. Sub ea Phœnicæ & Caua Syria compræhen-
ditur. Eam minus iuste quidam Curuam Syriam dicunt. In easunt
montes Carmelus, Lybanus & Antilibanus, urbes habet Antio-
chiam 69.0.35.30. Tyrum 67.5.33.18. Sydonem, quæ olim Sichæ
dicta, 67.30.33.30. Seleuciam 67.30.32.50. Damascum 69.0.33.0. Palestina
Iudæa pars Syriæ, habet à Septentrione Phœniciam: ab oriente atq; meridie Ara-
biæ petream: ab occasu Syriacum pelagus. Ipsa etiam Samariam ac Galileam com-
plectitur. In ea Iordanis fluuius, qui Genesar lacum effundit, qui deniq; in Asphal-
tida labitur, quod mare mortuum uocant, quod ferax est bituminis, quod solo filio
per menstruum ducto, diuidi potest. Ibi Tyrus serpens. In ea est terra, quam San-
ctam uocant sacræ literæ, diuisa in 12. tribus Israel, cuius longitudo est à Dan ad
Bersaben, latitudo ab Ioppe ad montana, quæ undiq; Iordani imminent ab Arabi-
bus. Ciuitates eius præclarissimæ. Hierosolyma quæ olim Aelia 65. 45. 31. 22.
Cæsaria Stratonis 67. 55.33.0. Ioppe nunc Iaphet siue Iaffa 65. 45.31.55. Ara-
biæ petrea, terminatur ab occasu Aegypto: à Septentrione Palestina Iudæa: à me-
ridie interiore sinu Arabico: ab ortu Arabia fœlice ac deserta. Hæc olim Nabæ-
thea dicebatur, per huius partem filij Israel ex Aegypto in terram sanctam uene-
runt. Ciuitates eius sunt Petra 66.45.30.20. Elim 63.45.29.50. Pharan 64.40.
29.20. Madian 65. 40. 29. 15. Mesopotamia finitur à septentrione Armenia
maiore: ab occasu Eufrate flumine ac Syria: ab ortu Assyria per amnem Tigrim:
à meridie partim Arabia deserta, partim Babyloniam per Eufraten flumen. Hæc re-
gio, quod inter duos fluuios Tigrim ac Eufratem media sit, Mesopotamia & hodie
Hallapia est dicta. Moses Geneseos capite 11. illam Aran uocat, urbes præclaras
habet Carre 73.45.36.10. Edessa Abgari regis ciuita. 72.30.37.30. Nisibis 75.
10.37.30. Arabia deserta habet à septentrione Mesopotamiam: ab orto Baby-
loniam: à meridie fœlicem Arabiam, ab occasu Syriam ac Arabiam petream are-
nosa est & aquarum expers, habet multas solitudines. Babyloniam quæ & Chaldea
est, habet à septentrione Mesopotamiam, ab occasu Arabiam desertam, ab ortu Su-
sianam, à meridie Sinum Pericum. Vrbes eius clariores sunt, Vrchoa, quæ apud
Ptole. Orchoapatria Abrahæ, Geneseos capite undecimo 78.30.32.40. Babylon
79.0.35.0.

De Assyria, Susiana, Media, Perside, Parthia, Hyrcania,
duabus Carmanijs, ac Arabia fœlice.

C A P V T X V I I .

Assyria